



中電共融活動  
連結社群  
綠色共融慶佳節

中電早前同咗不同團體齊慶祝兩個節日，由製作素食薄餅到傳統豬籠餅，參加者透過手作體驗同互动交流，將綠色生活理念同溫暖關懷帶到每一個角落，將共融精神融入每一個細節，令節日充滿笑聲同愛心。

豬籠餅共融製作工作坊

我哋聯同銀杏館舉辦豬籠餅共融工作坊，仲邀請咗香港盲人輔導會視聽障人士一齊製作象徵團圓嘅傳統美食，慶祝中秋節。參加者除咗學整豬籠餅，一齊認識「觸感手語」，令視聽障朋友同其他參加者自然溝通，打破隔閡，促進理解同包容。呢啲看似簡單嘅互動，就令節日更添溫馨！

鬼馬薄餅農莊祭 共融萬聖節派對

今年萬聖節，我哋同新西蘭有機農莊同香港唐氏綜合症協會合作，邀請唔同背景嘅家庭同朋友，一齊走入農莊探索自然，仲親手搓麵糰、揀最新鮮嘅食材，整出獨一無二嘅素食薄餅！現場氣氛超級熱鬧，小朋友扮成巫婆、公主，同唐氏綜合症家庭一齊玩破冰遊戲，笑聲不斷。大家除咗活動入面學到環保貼士，體驗可持續生活，令呢個萬聖節嘅素食薄餅唔只係美食，更係一段充滿愛同回憶嘅共融時光！



近年唔少家庭轉用洗衣乾衣機，但對洗衣乾衣機有唔少誤解，今日我哋就解開洗衣乾衣機嘅謎思，教大家做個慳電洗衫達人喇！

1. 點解有啲洗衣乾衣機聲稱好慳電，但用完發現好蝕電呢？

原來就算係同一款洗衣乾衣機，清洗同烘乾唔同物料衣物嘅慳電程度亦可以好懸殊，例如，有啲機清洗棉質衣物嘅耗電量遠較其他型號低，但烘乾時嘅耗電量就非常高。所以，當大家選購洗衣乾衣機時，要先考慮自己嘅洗衫同乾衣習慣，然後比較埋唔同操作程序嘅效能。

2. 高溫水洗衫，係咪會洗得乾淨啲？

其實熱水係唔會令衫褲洗得乾淨啲嘍，而且高溫模式洗衫係好蝕電。想洗得乾淨又慳水電，秘訣係識得根據衣物布料同污糟嘅程度分類，然後就揀合適嘅洗衫模式！

開立東亞銀行  
BEA GOAL 戶口交電費  
可享高達  
HK\$400 額外獎賞



交電費又有新着數喇！由即日起至2025年12月31日，中電客戶開立東亞銀行BEAGOAL戶口繳交中電電費，除可享HK\$400額外獎賞之外，更有機會獲得高達HK\$1,530 嘅迎新優惠！

以後交電費唔使排隊唔使等，仲有咁多著數，慳錢又慳時間，快啲行動享受以下獎賞啦：

1. 憑推廣編號「BEACLPGO」成功開立BEA GOAL戶口，並透過東亞手機銀行或東亞網上銀行繳交中電電費，可享HK\$100獎賞\*！
2. 成功設立「直接付款授權」，可獲得HK\$300獎賞\*！

此外，客戶只要存入新資金同埋符合指定要求，更有機會獲得高達HK\$1,530嘅迎新優惠^。

以後交電費更慳錢，更方便，即刻開戶賺獎賞啦！

\*獎賞名額先到先得，額滿即止。

^優惠受條款及細則約束。



中電年度矚目盛事「創新節能企業大獎」已經係10月24日圓滿舉行！今年主題為「智領未來 綠創先鋒 #GOal to Carbon Neutrality」，嘉許來自商業、工業、公用事業以及服務業四個界別嘅機構構可持續發展方面嘅貢獻同傑出成就。得獎機構透過多元創新方案同智能技術於節能減碳方面，為碳中和進程注入動力，佢哋嘅成功減碳故事，更係現場嘅「GOal to Carbon Neutrality 低碳展廊」展出嘞！

頒獎禮由中電客戶諮詢小組主席陳志球博士擔任主禮嘉賓，聯同一眾中電管理層揭開序幕。當日現場氣氛熱烈，業界精英雲集，共襄盛舉，並分享得獎喜悅。

我哋期望未來有更多機構投入節能減碳嘅行列，一齊推動香港加速邁向碳中和！



喺中電App玩「綠加Fun」

為獎賞加「分」

Q 我一直有儲度度分，去「中電度度賞」換獎賞。有冇方法可以快啲儲到更多分換獎賞？

A 大家只要下載中電App並登入中電One賬戶，參與有趣嘅互動遊戲「綠加Fun」，每日都可以賺分嘍喇，連續18日玩遊戲更可賺高達250度度分！

想每日都賺分，方法好簡單：

- 每日首次登入，可獲得一次每日登錄獎勵「+1 度度分」
- 用戶通過「每日任務」及「每日小測驗」，可分別獲得「+5 度度分」
- 當成功提升到相應嘅等級時，就可以獲得額外嘅度度分獎勵喇！

參加「綠加Fun」小遊戲唔止每日幫你賺分，仲幫你加深對節能生活同社區關懷嘅認識嘍。